

սարացի ալ վտարուած է Կ. Պոլսոյ աթոռէն կամ կամովին զայն թողած է 1605ի ատենները և գացած է Կեսարիա, ուր կը գտնենք զինքը «վերսեստուչ» տիտղոսով 1607ին:

Մեսրոպ եպս. Նշանեան (տես, Գրեգոր Դարանաղչի, էջ 116) իրաւամբ կ'ենթադրէ թէ 1605ի գարնան Գրիգոր վրդ. Կեսարացի պէտք էր բացակայ եղած ըլլար Կ. Պոլիսէն, վասնզի Դարանաղչին երբ այդ օրերուն կաֆայէն Կ. Պոլիս կը դառնայ, առիթ չունենար զինքը տեսնելու և 1607ին կը գրէ թէ «ղեռ չիաք սեսեղ զինն» (Դարանաղչի, էջ 117):

## Ձ.

### ԿԵՍԱՐԻՈՅ ԱՌԱՋՆՈՐԴՈՒԹԻՒՆԸ

Կեսարացի Կ. Պոլիսէն հեռանալէն յետոյ գացած է իր ծննդավայրը, ուր մնացած է մինչեւ 1607ի վերջին ամիսները (Սեպտեմբեր—Նոյեմբեր), «որչափ կ'երեւայ ոչ իբր պատիարք» (Հ. Գր. Գալէմքեարեան, Կենսագրութիւններ, Ա. էջ 3):

Այս ժամանակամիջոցին իր հայրենակիցները հաւանօրէն իրեն կը վստահին թեմին առաջնորդութիւնը կամ իբր այն կ'ընդունին զինքը: